

مجموعه ابو الضياء

ماسوا شایسته شدن دلی قطره چاش
بر تو حکمت و عرفان ایله شویره آتش

هر ماه عربی ابتدا سیله اون بشنده نشر اولتور فنون مجموعه سیدر

جزو ۴۳ [غره ربيع الآخر سنه ۱۳۰۲] نسخده سی ۳ غروش

نوئل الوئیزدن

اونجی مکتوب [۰]

[سن پروون - ژولییه]

سزی حالا طانیماقلمغی سويلکده نه قدر حقلی ایمشکز ! دائماً روح لطیفکڭزک کافه خزائنی طانیورم ظن ایدیورمده ینه برطاق ییگلدینی کشف ایتکدهیم . سزک گبی هانگی قادین هج بروقت لطافتی فضیلتله تشریک و برینی دیگریله بالتعذیل ایکیسنک دخی وساطت دلفریبسنی ترید ایلسون . بنی دوچار گریه و فغان ایدن بو عقل و حکمتده بیلم اولقدر سویملی و لذتلی نه بولیورم ؟ و بگا تحمیل ایتدیگڭز حرمانی اولقدر ماهرانه ترین ایدیورسڭزکه بونلری بگا حقیقه قیتدار قیلغه پک آز برشی قالمشدر .

هرگون دهها زیاده حس ایدیورمکه بودنیاده انعام والطافک اڭ بیوکی کنیدی سزه سودرمکدر . بو عالم فانیده بویله بر لطف موجود اولدینی گبی بوگا قابل قیاس بر نعمت دهها موجود اوله مار . و قلب پاکڭزله جسم لطیفکڭزدن برینی انتخاب لازم گلسه . ای صاحب ملاحه ژولی بر دقیقه بیله تردد ایتما . لکن بومحتملیمی ترجیح و اختیار نره دن نشأت ایدیور ؟ و طبیعتک برلشدرمگی مقصد ایلدیگی شی نیچون قابل تألیف اوله . میه حق برحاله ارجاع ایدیور ؟ وقت قیتداردر . اولدینی گبی آندن استفاده به چالشه . و عدم صبر من مناسبیله دوام و جریاننه ایراث خللدن توقی ایدم دیورسڭز . ایواه ! مسرور ایتسونده مسعود اولسون ! بر حال لطیفدن استفاده قصیدیه بردها ایوسندن اغماض عینی ایتلی . و راحت و سکونی سعادت حال علی العاله ترجیحی ایتلی ؟ آه ! بر چاریک ساعت ظرفنده

[*] نحو ترکی مصنفی حسن شفیق پک افندی طرفندن ترجمه وایلروسنک

دوامی و عهد یورلمشدر .

بیك ییلق امرار عمر ممكن اولسه یشانیلان هر بر گونی محزونانه تعداد ایتك نهیه یارار ؟ حال حاضر مزك سعادتی حقنده کی افاداتكز وارسته اعتراضدره مسعود اولغه احتیاجزی حس ایدیورمده مع مافیه ینه مسعود دگلم . عقل و حکمت استدیگی قدر سزك آغز گردن رفع ندا ایلسون ، اقوای ندا صوت طبیعتدر . بوصوت صوت قبله اتحاد ایلدیگی تقدیرده بوکا ایدیله جك اسباب مقاومت نهدر ؟ یالکز سزدن غیری بواقامتگاه ذلیلده هیچ برشی گورده میورمه روحی ، حواسی اشغاله لایق اولسون ! خیر، سز سز طبیعت بنم ایچون کائن لم یکن حکمندهدر ، لکن جبر و تحکمی سزك گوزلریکزدهدر . وایسته یالکز اوراده ناقابل مغلوب برحالدهدر .

سزك ایچون بویله دگلدن ، ای عوالم علویهیه لایق ژولی ، سز بزم حواسمزی تلذذ و تلطیف ایله اکتفا ایدرك حواس ذاتیه کزلهده اصلا مجادلانده بولغیورسکز . ظن اولنیورکه اغراض نفسانیة بشریه اوپله بر روح عالینک کعبدن پك دون بولنیور ، ملک سیما اولدیغکزگی پاک عفتده دخی آنلره همپاسکز . حکم و فرماننه عدم خشنودی ایله منقاد اولدیغم ای عفت و عصمت ! یا سزی کندیقه قدر تنزیل و یاخود کندیمی سزه قدر ترفیع ایده بیلسم ! لکن خیر ، بن روی ارضده سورینه جگم و سزك افلاکده شعله یاش اولمکزی گورده جگم . آه ! سکوتم سایه سنده مسعود اولکز ؛ کافه فضائلکزدن ذوقیاب اولکز ! آنلردن برینی لکه دار ایتمه تصدی ایدن هر برفانی محقر هلاک و برباد اولسون ! مسعود اولکز ! نه قدر شایان مرحمت اولدیغمی فراموش ایتمه جهد و غیرت ایده جگم ، و آلام و اکدارمک تسلیتی بیله سزك سعادتكزدن اخذ و اقتباس ایده جگم . اوت ! سوکیلی دلفریم ، بکا اوپله گلیورکه عشق و محبت شایان پرستش اولان صورت مطبوعه سی قدر مکملدر ؛ حلاوت و لطافتکزله اشتغال ایدن کافه هوسات لطافت روحکز میاننده منطفی اولیور . روحکزی اولقدر راحت و سکونده گوریورمه انسلاب حضورینه جسارت ایده میورم . سزه تسلط

فکری بنی منع ایلوبده الک اوافق نوازش والتفاتی سزدن اخفایه متصدی
اولدینم هر دفعه ، اولقدر صاف و پاک برمسرورتی افساد ایتک خوفیه
قلم بنی دها زیاده منع ایلور ، آرزو و طلب ایلدیگم الطاف و عنایاتک بهالزندن
هانکیسی سزجه دها بهالی دوشه جگنی گوره میورم ؛ وسعدت حامی سزک کی
ایله تطبیق و توفیق ایده مدیکمدن نصل سودیکمی محاکمه ایدیگز ؛ بنمکندن
صرف نظر ایتدم .

بکا القائلکده اولدیگز حسیات میانشده نه قدر ناقابل تعریف تضاد
و تخالف موجوددر ؛ هم متقاد و مطیع و هم شجاع و متجاسر ، و هم حدید
و عاقبت اندیشم . نفسله صواشتمسزین اوزریکزه عطف نگاه ایده م .
انظارگر ، صوتگر قلبه عشق و محبتله برابر لذت مؤثره معصومیتی ایصال ایلور .
بو بر لطافت و حلالت الهیه درکه انسانه آنی ازاله مجبوریتی گران گلور ایدی .
تمنیات فوق العادهیه متجاسر اولسهم بیله غیابکزدن اولیورم ؛ هوساتم سزه
قدر شتابان اولمغه جسارت ایده مدیگندن مرآت خالیاره جلوه گر اولان
صورتگره مراجعت ایدیور و حقکزرده محافظهیه مجبور اولدینم حرمت و رعایتک
انتقامنی اشته بوندن آلیورم . کانون تحسرات ایچنده سوزان و دوچار ا کدار
واحزان اولیورم . طمر لرمدن آتش جریان ایدیور ، بونی هیچ برشی تسکینه
مقتدر اوله مدینی گبی بنده مخالفت ایتک استدکجه دها زیاده تشدید ایدیورم .
مسعود اولمغه احتیاجم واردر ، مسعودم ، اعتراف ایدرم ، طالعمدن هیچ
بروقت اشتکایتم ؛ حال حاضری اوزره قدر و طالعمی روی ارضک حکمدار لرلیله
دگشتم ؛ مع مافیه بر مصیبت حقیقیه بنی ازعاج ایدیور ، بهوده آندن چاره
فراری تفحص ایدیورم ؛ اولمگی هیچ بروقت تمنی ایتمیورمده یته اولیورم ،
سزک ایچون حیاته قالمنی آرزو ایتدیگم حالده حیاتی سلب ایدن یته سزنگز .